



**PRAVILNIK O POSTUPKU INTERNOG PRIJAVLJIVANJA KORUPCIJE  
I POSTUPANJU PO PRIJAVAMA  
U JP „OLIMPIJSKI BAZEN OTOKA“ D.O.O. SARAJEVO**

Sarajevo, januar 2023. godine

Na osnovu člana 35. stav (1) Zakona o prevenciji i suzbijanju korupcije u Kantonu Sarajevo („Službene novine Kantona Sarajevo, br. 35/22 i 44/22) i članova 11., 34. i 35. Statuta JP „Olimpijski bazen Otoka“ d.o.o. Sarajevo, direktor Preduzeća donosi:

## PRAVILNIK O POSTUPKU INTERNOG PRIJAVLJIVANJA KORUPCIJE I POSTUPANJU PO PRIJAVAMA U JP „OLIMPIJSKI BAZEN OTOKA“ D.O.O. SARAJEVO

### I - OPĆE ODREDBE

#### Član 1.

##### (Predmet)

Pravilnikom o postupku internog prijavljivanja korupcije i postupanju po prijavama u JP „Olimpijski bazen Otoka“ d.o.o. Sarajevo (u daljem tekstu: Pravilnik) uređuje se način prijavljivanja korupcije u JP „Olimpijski bazen Otoka“ d.o.o. Sarajevo (u daljem tekstu: Olimpijski bazen), postupanje po zaprimljenim prijavama korupcije, razmatranje zaprimljenih prijava korupcije, obaveze obavještanja osobe koja je prijavila korupciju o poduzetim radnjama, te druga pitanja koja su vezana za prijavljivanje korupcije na Olimpijskom bazenu.

#### Član 2.

##### (Pojmovi)

U smislu ovog Pravilnika:

- a) „*korupcija*“ je svako činjenje ili nečinjenje izvršeno zloupotrebom službenog ovlaštenja ili službenog položaja u privatne svrhe, radi sticanja protivpravne imovinske ili bilo koje druge koristi za sebe ili drugoga, od strane odgovornog lica ili lica koje je radno angažirano u javnom ili privatnom sektoru;
- b) „*druge nepravilnosti*“ u smislu ovog pravilnika predstavljaju sva postupanja u suprotnosti sa zakonom i drugim propisima, te internim aktima kojima se uređuju prava, obaveze i postupanje radnika Preduzeća u obavljanju njihovih dužnosti i pružanju usluga korisnicima;
- c) „*štetna radnja*“ je svaka radnja kojom se prema prijavitelju ili licu koje se smatra prijaviteljem, neposredno ili posredno različito postupa, uključujući naročito svako isključivanje ili ograničavanje mogućnosti učestvovanja u konkursima za zapošljavanje ili unapređenje, prestanak radnog odnosa, premještanje, isključivanje ili ograničavanje mogućnosti stručnog obrazovanja i usavršavanja, lošiju ocjenu rada, lošije uslove i zahtjeve rada, vraćanje na nižu kategoriju u okviru radnih mjesta, izostanak poslovnog angažmana, stvaranje radnih uslova kojima bi se radnik odvratio od zaštićenog prijavljivanja, uznemiravanje, uključujući i seksualno uznemiravanje, mobing, kao i svaku drugu okolnost koja ima za svrhu ili posljedicu da prijavitelju ili licu koje se smatra prijaviteljem onemogući ili ugrožava priznavanje, uživanje ili ostvarivanje na ravnopravnom osnovu prava iz radnog odnosa, a koje se može dovesti u neposrednu ili posrednu vezu sa prijavljivanjem korupcije ili druge nepravilnosti;
- d) „*prijava korupcije*“ je pismeno ili usmeno obavještenje koje sadrži informacije iz kojih proizilazi sumnja da je izvršena korupcija;
- e) „*interno prijavljivanje*“ postoji kada prijavitelj podnosi prijavu da je izvršena korupcija direktoru JP „Olimpijski bazen Otoka“ d.o.o. Sarajevo (u daljem tekstu: direktor) kao odgovornom licu na Olimpijskom bazenu ili ovlaštenom licu za prijem i postupanje po prijavama korupcije u Preduzeću;
- f) „*odgovornim licem*“ smatra se lice koje je osnivačkim aktom, pravilima, statutom ili drugim aktom odgovorno da rukovodi, predstavlja i zastupa preduzeće i odgovara za zakonitost rada preduzeća. Pod odgovornim licem smatra se i lice odgovorno da rukovodi poslovanjem, predstavlja i zastupa privredno društvo koje samostalno na tržištu obavlja djelatnosti radi sticanja dobiti i odgovara za zakonitost poslovanja privrednog društva;
- g) „*ovlašteno lice*“ je lice ovlašteno od strane odgovornog lica za prijem i postupanje po prijavama korupcije;
- h) „*prijavitelj korupcije*“ je fizičko lice koje prijavi korupciju u instituciji iz tačke d) ovog člana;

### Član 3.

#### (Rodna ravnopravnost)

Izrazi koji su u ovom pravilniku radi preglednosti dati u jednom gramatičkom rodu bez diskriminacije se odnose i na muški i na ženski rod.

## II - PRIJAVLJIVANJE KORUPCIJE

### Član 4.

#### (Pojam internog prijavljivanja)

Interno prijavljivanje postoji kada prijavitelj podnosi prijavu direktoru Olimpijskog bazena ili ovlaštenom licu za prijem prijave korupcije i za postupanje po prijavama korupcije da je u Preduzeću izvršena korupcija.

### Član 5.

#### (Pravo na prijavljivanje korupcije)

- (1) Svaki radnik JP „Olimpijski bazen Otoka“ d.o.o. Sarajevo ili drugo lice koje ima informaciju o postojanju bilo kojeg oblika korupcije ili drugih nepravilnosti (u daljem tekstu: prijavitelj) u Preduzeću, može podnijeti prijavu korupcije.
- (2) Pravo na prijavljivanje korupcije u Preduzeću ne isključuje pravo na podnošenje disciplinske prijave u skladu sa odredbama drugih zakona i podzakonskih akata kojima je ovo pravo regulisano.

### Član 6.

#### (Način prijavljivanja i sadržaj prijave)

- (1) Prijava se može podnijeti putem protokola, putem pošte, putem elektronske pošte (e-mail) ili online sistema za prijavu korupcije na službenoj internet stranici Preduzeća, putem kutije/sandučeta za prijavu ili usmeno izjaviti na zapisnik.
- (2) Prijava sadrži:
  - a) podatke o prijavitelju korupcije;
  - b) informacije koje upućuju da je u JP „Olimpijski bazen Otoka“ d.o.o. Sarajevo izvršena korupcija;
  - c) opis radnje ili ponašanja koje se prijavljuje kao korupcija, uz navođenje konkretnih činjenica i okolnosti iz kojih proizilazi sumnja prijavitelja da je izvršena korupcija;
  - d) podatke o licu za koje prijavitelj sumnja da je izvršilo korupciju, ukoliko prijavitelj ima informacije o tome u trenutku podnošenja prijave;
  - e) podatke i dokumentaciju iz koje proizilazi sumnja da je izvršena korupcija, ukoliko istim raspolaže.
- (3) Prijava korupcije ili druge nepravilnosti može biti anonimna.

### Član 7.

#### (Ovlašteno lice za prijem i postupanje po prijavama korupcije)

- (1) Jedno ili više ovlaštenih lica za prijem i postupanje po prijavama korupcije (u daljem tekstu: ovlašteno lice) je lice koje posebnom odlukom imenuje direktor, shodno članu 31. Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22 i 44/22) (u daljem tekstu: Zakon).
- (2) Ovlašteno lice za prijem prijave korupcije i za postupanje po prijavama korupcije mora imati VII stepen stručne spreme, završen pravni fakultet sa 240 ECTS bodova ili ekvivalent.
- (3) Ovlašteno lice dužno je:
  - a) Poduzeti mjere i aktivnosti kojim će se spriječiti ili otkloniti nastupanje štetne radnje;
  - b) Osigurati zaštitu i ostvarivanje prava prijavitelja;
  - c) Poduzeti mjere na utvrđivanju disciplinske i materijalne odgovornosti lica koje je izvršilo korupciju, u skladu sa važećom pravnom regulativom.

### Član 8.

#### (Obaveza direktora Olimpijskog bazena)

- (1) Direktor JP „Olimpijski bazen Otoka“ d.o.o. Sarajevo dužan je omogućiti podnošenje prijave korupcije



(2) Odgovorno ili ovlašteno lice je dužno proslijediti prijavu organu ovlaštenom za inspekcijski nadzor bez odlaganja i u slučaju kada u toku postupanja po prijavi, dođe do saznanja koja ukazuju na izvršenje prekršaja.

### **Član 13.**

#### **(Postupanje s prijavama koje se odnose na disciplinsku odgovornost)**

U slučaju kada je ovlašteno lice utvrdilo da je prijava osnovana, te da se na osnovu prijave ili radnji provedenih na utvrđivanju njene osnovanosti može zaključiti da navedeno djelo ima obilježja disciplinske odgovornosti, prijavu će proslijediti direktoru radi pokretanja disciplinskog postupka protiv radnika u skladu sa zakonskim i podzakonskim aktima.

### **Član 14.**

#### **(Eksterno prijavljivanje i obaveze organa po prijavi)**

- (1) Eksterno prijavljivanje postoji kada prijavitelj podnosi prijavu Uredu.
- (2) Interno prijavljivanje ne predstavlja uslov za eksterno prijavljivanje.
- (3) Eksterno prijavljivanje se vrši i kada je prijavitelj izvršio interno prijavljivanje, a naročito u sljedećim slučajevima:
  - a) postupak po internom prijavljivanju iz ovog pravilnika traje duže od 30 dana od dana prijema prijave ili
  - b) prijavitelj smatra da je postupak po internom prijavljivanju iz ovog pravilnika bio nepravilan ili
  - c) prijavitelj ima razloga da vjeruje da se odgovorno ili ovlašteno lice može direktno ili indirektno dovesti u vezu sa korupcijom.
- (4) Organ iz ovog člana pravilnika kojem je dostavljena prijava, ukoliko posebnim zakonom nije propisano drugačije, dužan je u roku od 15 dana od dana prijema prijave postupiti po dostavljenoj prijavi.
- (5) Ukoliko organ iz stava (4) ovog člana nije nadležan za postupanje po dostavljenoj prijavi dužan je u roku od osam dana od dana prijema prijavu dostaviti nadležnom organu i o istom obavijestiti prijavitelja.

### **Član 15.**

#### **(Saradnja sa Uredom)**

- (1) Preduzeće je dužno saradivati sa Uredom, radi efikasnog provođenja postupka provjere Ureda.
- (2) U ostvarivanju saradnje, Preduzeće je dužno po zahtjevu Ureda dostaviti podatke i informacije kojima raspolaže i do kojih dolazi u obavljanju svojih poslova, a koji su potrebni u provođenju aktivnosti iz djelokruga rada Ureda, a posebno se to odnosi na obavezu Preduzeća da prioritarno omoguće zaposlenicima Ureda pristup cjeloukupnoj dokumentaciji (neposredno, na licu mjesta ili posredno, dostavom dokumentacije na zahtjev Ureda).
- (3) Ukoliko Preduzeće ne postupi po zahtjevu Ureda u ostavljenom roku, Ured o tome obavještava organ koji vrši nadzor nad radom Preduzeća.
- (4) Ured će saradivati i koordinirati aktivnosti sa institucijama i organima na svim nivoima vlasti, a posebno sa nadležnim organima za prevenciju, suzbijanje i otkrivanje korupcije.

### **Član 16.**

#### **(Registar prijava)**

Svaka zaprimljena prijava će se evidentirati u centralnu evidenciju svih prijava, osim anonimnih prijava u roku od pet dana od dana prijema prijave u skladu sa Zakonom o zaštiti ličnih podataka Bosne i Hercegovine ("Službeni glasnik BiH", br. 49/06. 76/11 i 89/11).

### **Član 17.**

#### **(Zaštita podataka i osoba)**

- (1) U postupanju po prijavama, JP „Olimpijski bazen Otoka“ d.o.o. Sarajevo poduzima sve radnje na način kojim se osigurava zaštita svake osobe koja to zatraži u skladu sa Zakonom o zaštiti ličnih podataka Bosne i Hercegovine ("Službeni glasnik BiH". br. 49/06. 76/11 i 89/11) kao i drugih propisa koji uređuju ovu oblast.
- (2) Svi podaci iz prijave, kao i identitet prijavitelja i ostalih lica koji se navode u prijavama izuzeti su od saopćenja javnosti.

**Član 18.**

**(Čuvanje prijava i podataka)**

Prijave, predmeti, kao i sva dokumentacija u vezi sa prijavom se čuva u zaključanom ormaru u kancelariji ovlaštenog lica, kojem pristup imaju samo ovlašteno lice i direktor Preduzeća kao odgovorno lice.

**III - PRELAZNE I ZAVRŠNE ODREDBE**

**Član 19.**

**(Primjena Zakona)**

Na sve ono što nije regulisano ovim pravilnikom i propisima koji će se donijeti na osnovu istog ili je drugačije regulisano u odnosu na Zakon o prevenciji i suzbijanju korupcije u Kantonu Sarajevo, neposredno se primjenjuju odredbe zakona.

**Član 20.**

**(Izmjene i dopune Pravilnika)**

Izmjene i dopune ovog Pravilnika vrše se na način i po postupku za njegovo donošenje.

**Član 21.**

**(Stupanje na snagu Pravilnika)**

Ovaj Pravilnik stupa na snagu 8 (osmog) dana od dana objavljivanja na oglasnoj tabli Preduzeća, te će se isti objaviti i na web stranici [www.bazen.ba](http://www.bazen.ba), a primjenjivat će se od 01.02.2023. godine.

Broj:

02-A-112/23

Datum: 23.01.2023. godine



direktor JP „Olimpijski bazen Otoka“ d.o.o. Sarajevo

dr Avdija Hasanović